

TEZAUUR LITURGIC
14 SEPTEMBRIE

ACATISTUL
SFINTEI CRUCI
IV



MOSCOVA, 2000



Акафист

Честному и Животворящему

Кресту Господню

Кондак 1

Избранному Царём Славы и освящённому крестною смертию Искупителя мира, чудодейственную силу имущему древу, составим, вернии, похвалу и радостно возопиём:

Радуйся, честное Древо, на нём бо совершися таинство всемирнаго искупления.

Икос 1

Ангельския силы, яко Божии служителии, окрест Креста Господня невидимо предстоящи, ужасающаяся, и поносную на земли смерть Иисусову, на небеси воспеваша; мы бо, недостойнии, знаменем Честнаго Креста Господня освящаяся, радостно взываем:

Радуйся, честное Древо, кровию Богочеловека освящённое.

Ра́дуйся, честное́ Дре́во, просла́вьшееся
послуша́нием Христо́вым.

Ра́дуйся, честное́ Дре́во, освободи́вшее нас от
а́да.

Ра́дуйся, честное́ Дре́во, низложе́ние диа́вола.

Ра́дуйся, честное́ Дре́во, возглаше́ние си́лы
Иису́совой.

Ра́дуйся, честное́ Дре́во, на нём бо соверши́ся
та́инство всеми́рнаго искупле́ния.

Конда́к 2

Ви́дящи Тя́, на Кресте́ ви́сяща, вся́ си́лы
небе́сныя, лица́ закрыва́юще, хва́ляша и
воспева́ша Твое́ вели́чие, Живода́вче Христэ́; мы́
бо, на земли́ со стра́хом и трéпетом пред святы́м
Твои́м Крестомъ́ предсто́я, воспева́ем ра́достно
пе́снь: Аллилу́ия.

Икос 2

Ра́зум неуразуме́нный, зна́мением Честна́го и
Животворя́щаго Креста́ Господня́ дивно́
просвеща́ющийся, со стра́хом и любóвию
поклоня́ется свято́му Дре́ву и непреста́нно
воспева́ет си́це:

Ра́дуйся, Че́стный Крѣ́ст Христо́в, из ме́ртвых
воскрѣша́ющий.

Ра́дуйся, Че́стный Крѣ́ст Христо́в,
проявля́ющий и́стину.

Ра́дуйся, Че́стный Крѣ́ст Христо́в, на нём бо
Иису́с во́лею распя́ся и гвоздьми́ бы́сть
пригвождѣ́н.

Ра́дуйся, Че́стный Крѣ́ст Христо́в, на нём бо
Свята́я Жѣ́ртва принесѣ́ся.

Ра́дуйся, Че́стный Крѣ́ст Христо́в, Дре́во
всесильное.

Ра́дуйся, че́стное Дре́во, на нём бо соверши́ся
та́инство всеми́рнаго искупле́ния.

Конда́к 3

Си́лою Че́стнаго и Животворя́щаго Креста́
Госпо́дня бе́сы низлага́ются, очища́ется нечи́стое
жити́е на́ше, грехо́вныи по́мыслы отгоня́ются,
озаря́ется чистото́ю се́рдце на́ше; того́ ра́ди с
ве́рою творя́ крѣ́стное зна́мение и с
благоговѣ́нием взира́я на изображе́ние
страда́ний Христо́вых, поём Бо́гу: Аллилу́ия.

Икос 3

Име́я всегда́ пред очима́ нашими́ Крѣстъ святы́й, осеня́ющий и освяща́ющий святы́е хра́мы христиа́нскии, охраня́ющий святы́ню Господню́, мы́ со слеза́ми благодарѣния воспева́ем си́це:

Ра́дуйся, честное́ Дре́во, исто́чнице бла́г вѣчныхъ.

Ра́дуйся, честное́ Дре́во, освяще́нное плоти́ю и кро́вию Богочелове́ка.

Ра́дуйся, честное́ Дре́во, Дре́во чуде́йственное.

Ра́дуйся, честное́ Дре́во, Дре́во треблаже́нное.

Ра́дуйся, честное́ Дре́во, Дре́во жи́зни и спасѣ́ния.

Ра́дуйся, честное́ Дре́во, на нёмъ бо соверши́ся та́инство всеми́рнаго искупле́ния.

Конда́к 4

Бу́рю страсте́й лю́тых си́лен угаси́ти Святы́й и Всече́стный Крѣстъ Христо́в, тойъ бо ме́чь духо́вный, щитъ вѣрныхъ, ору́жие всеси́льное и зна́мение всепобежда́ющее, сего́ ра́ди и мы́, недостойни́и, в весе́лии взыва́ем Бо́гу: Аллилу́ия.

Икос 4

Слы́ша уче́ние Христо́во, ве́руем в та́йну
спаси́тельного искупле́ния, покло́няемся
страсте́м Христо́вым, лобыза́ем Крест
Всеси́льный и ра́достно взыва́ем си́це:

Ра́дуйся, Че́стный Крест Христо́в, угаси́вший
я́рости пла́мя.

Ра́дуйся, Че́стный Крест Христо́в,
порази́вший богоотсту́пников.

Ра́дуйся, Че́стный Крест Христо́в,
победи́вший по́лчища вра́жии.

Ра́дуйся, Че́стный Крест Христо́в, отсе́кший
главу́ зми́еву.

Ра́дуйся, Че́стный Крест Христо́в, торже́ство
ве́ры и наде́жды христиа́н.

Ра́дуйся, че́стное Дре́во, на нём бо соверши́ся
та́инство всеми́рнаго искупле́ния.

Конда́к 5

Богото́чный исто́чник исцелёний бы́сть на́м
Крест чуде́йственный, на нём бо Христо́с
волею́ пострада́ нашего́ ра́ди спасе́ния, и
Божество́нныя длáни Своя́ распросте́рши
любо́вию Отчею, с Голго́фы объя́ всю́ вселённу́ю,

сего ради возопиём Ему, Богу нашему, пѣснь:
Аллилу́ия.

Икос 5

Ви́девши всѣ язы́цы вели́чие сла́вы Креста́
Госпо́дня и чудодѣйственную си́лу изображе́ния
и зна́менія его́, увѣрова́ша во Святу́ю,
Живона́чальную и Неразде́льную Трои́цу и
поклони́шася Кресту́ Всечестно́му, сего́ ради
взыва́ем радостно:

Ра́дуйся, честное́ Дре́во, си́лою свое́ю на
добро́ нас вразумля́ющее.

Ра́дуйся, честное́ Дре́во, си́лою свое́ю нас от
болѣзней исцеля́ющее.

Ра́дуйся, честное́ Дре́во, сла́вою свое́ю вся́
вра́жия си́лы в бѣгство обра́щающее.

Ра́дуйся, честное́ Дре́во, сла́вою свое́ю
Венце́носных Царе́й прославля́ющее.

Ра́дуйся, честное́ Дре́во, вели́чием своимъ Их
Ца́рство возвыша́ющее.

Ра́дуйся, честное́ Дре́во, на нёмъ бо соверши́ся
та́инство всеми́рнаго искупле́ния.

Кондак 6

Проповѣдникомъ богоноснымъ явися честное Древо, изъ него бо бѣ сооруженъ Крестъ Христовъ, Крестъ четвероконечный, трисоставный, его бо земля чудодейственно израсти нетленнымъ и zelo благоухающимъ. Крестъ — покровъ беспомощныхъ, на немъ бо Христосъ волею закланъ бысть. Ему бо, Спасителю мира, приносимъ пѣснь: Аллилуія.

Икос 6

Воссиялъ еси яко солнце правды, всечестный Крестъ Христовъ, въ недрахъ земли сокровенный, нѣсколько столѣтій бездушными камнями, яко сокровище, сберегаемый и на радость всему миру обретенный, Ему бо велегласно возопиѣмъ:

Радуйся, Честный Крестъ Христовъ, молитвами и усердиемъ Благочестивой Царицы Елены найденный.

Радуйся, Честный Крестъ Христовъ, на высоту Патриархомъ Макариемъ воздвигнутый для торжественнаго поклоненія всеми языцами.

Радуйся, Честный Крестъ Христовъ, посрамивший идолопоклонство и неверіе.

Радуйся, Честный Крестъ Христовъ, призвавший хулителей къ покаянію.

Ра́дуйся, Че́стный Крѣст Хри́стов, я́ко ты́
Дре́во чудеде́йственное и хри́стоно́сное.

Ра́дуйся, че́стное Дре́во, на нѣм бо соверши́ся
та́инство всеми́рнаго и́скупле́ния.

Конда́к 7

Хотя́й прояви́ти ми́лосѣрдие Своѣ Спа́ситель
ми́ра к ро́ду челове́ческому, во́лею приѣмлет
поноше́ние, присужда́ется к позо́рной сме́рти,
ко Кресту́ пригвожда́ется и крѣстною сме́ртию
сме́рть попира́ет, те́м бо и мы́ поѣм Ему́:
Аллилу́ия.

Икос 7

Дивное зрѣлище явля́ется ми́рови:
Богочелове́к распина́ется, ру́це и но́зе
пригвожда́ются, ре́бра Его́ пробода́ются,
страда́ниями Его́ и уничиже́нием очища́ются
ра́ны грехо́внаго челове́чества. Крѣст Хри́стов
явля́ется торже́ственно победоно́сным
зна́мением сла́вы Бо́жией; сего́ ра́ди взыва́ем
си́це:

Ра́дуйся, че́стное Дре́во, смире́ния о́браз.

Ра́дуйся, че́стное Дре́во, апо́столов похва́ло.

Ра́дуйся, честное́ Дре́во, преподо́бных
утвержде́ние.

Ра́дуйся, честное́ Дре́во, му́чеников кре́посте.

Ра́дуйся, честное́ Дре́во, пустынножи́телей
огражде́ние.

Ра́дуйся, честное́ Дре́во, на нём бо соверши́ся
та́инство всеми́рнаго искупле́ния.

Конда́к 8

Стра́нное чу́до! Позо́рный крест преврати́ся в
Дре́во жи́зни и спасе́ния, той бо вразумля́ет,
освяща́ет и от болезней душе́вных и теле́сных
исцеля́ет с ве́рою и любóвию непреста́нно
вопи́ющих Бо́гу: Аллилу́ия.

Икос 8

Все́ грехо́вное жити́е на́ше очища́ется
чудоде́йственным Крестом Спаси́теля ми́ра,
послужи́вшим к примире́нию Божества́ с
престу́пным челове́чеством, сего́ ра́ди мы́
благодáрственно возопи́ем:

Ра́дуйся, Честный́ Крест Христо́в, явля́ющий
на́м любóвь и долготерпе́ние Бо́жие.

Ра́дуйся, Честный́ Крест Христо́в, им бо
соверши́ся призва́ние язы́ков.

Ра́дуйся, Че́стный Крѣ́ст Христо́в, явлѣ́ние
бла́гости благоупова́ющим.

Ра́дуйся, Че́стный Крѣ́ст Христо́в, глубли́на
упова́ния ду́ш, любящих Го́спода.

Ра́дуйся, Че́стный Крѣ́ст Христо́в, си́ла и
ра́дость все́х христиа́н.

Ра́дуйся, че́стное Дре́во, на нём бо соверши́ся
та́инство всеми́рнаго искупле́ния.

Конда́к 9

Вся́кая житѣ́йская бу́ря сокруша́ется си́лою
крѣ́стных страда́ний Богочелове́ка Иису́са,
искупивших весь ми́р, те́м бо и мы́, честву́я
Всечестна́го Креста́ Госпо́дня свято́е зна́мение,
смирѣ́нно прино́сим Бо́гу любви́ и сла́вы
ра́достную пе́снь: Аллилу́ия.

Икос 9

Витийству́ющий язы́к не мо́жет изре́щи
досто́йныя похва́лы Дре́ву всечестно́му, из него́
бо составлен бы́сть чудоде́йственный Крѣ́ст
Христо́в, благоуха́ющий любви́ю Страда́льца
Иисуса́ Христа́, сего́ ра́ди и мы́, недоуме́я
досто́йно восхва́лити Тя́, со слеза́ми возопи́ем:

Ра́дуйся, честное́ Дре́во, торже́ство Цѣркви Христо́вой.

Ра́дуйся, честное́ Дре́во, врачевство́ наше и ра́дость.

Ра́дуйся, честное́ Дре́во, освяще́ние все́х путе́й жи́зни нашей.

Ра́дуйся, честное́ Дре́во, все́м христи́анам вспомо́жение.

Ра́дуйся, честное́ Дре́во, все́х немощны́х си́ла и подкреплéние.

Ра́дуйся, честное́ Дре́во, на нём бо соверши́ся та́инство всеми́рнаго искупле́ния.

Конда́к 10

Спасти́ хотя́ ми́р, длáни Сво́я пречи́стыя Христо́с на Дре́во возне́с и дре́во преслуша́ния замени́ся Дре́вом Сыно́вняго к Бо́гу Отцу́ послуша́ния: рука́ невоздержáния, низвергша́я Ада́ма, распростёртыми рука́ми Богочелове́ка соединя́ет Своёю любóвию все́ концы́ ми́ра. Те́м бо и мы́ торже́ственно взыва́ем побéдную пѣснь: Аллилу́ия.

Икос 10

Стенá еси, ограждающая нас от всех бед и напáстей, Крест Всечестный, цельбоносный источник всех языков, осеняющихся святым твоим знамением во имя Отца и Сына и Святаго Духа, сего бо ради с веселием взываем ти:

Радуйся, Честный Крест Христов, кровию Богочеловека обогранный.

Радуйся, Честный Крест Христов, цветами райскими благоухающий.

Радуйся, Честный Крест Христов, лучами веры нас озаряющий.

Радуйся, Честный Крест Христов, лучами надежды нас подкрепляющий.

Радуйся, Честный Крест Христов, лучами любви нас обогащающий.

Радуйся, честное Древо, на нем бо совершися таинство всемирнаго искупления.

Кондак 11

Пение похвальное приносим ти, Божественное, Животворящее Древо Креста Господня, верных осеняющее, неверных обличающее и всех нас ограждающее от всякаго

врага́ и супоста́та, се́го бо ра́ди вопи́ем пѣснь:
Аллилу́ия.

Икос 11

Пою́щии твоя́ чудеса́, всеси́льный Крѣст
Христовъ, мы́ с вѣрою и благодарѣнием
преклоня́ем колѣна се́рдца на́шего, со слеза́ми
лобыза́ем свята́и но́зи Страда́льца Иису́са,
поклоня́емся страсте́м Христовымъ и та́ко
возопи́ем:

Ра́дуйся, честное́ Дре́во, скипетр Царей
христиа́нских непрело́жный.

Ра́дуйся, честное́ Дре́во, держа́ва все́й
вселѣнной.

Ра́дуйся, честное́ Дре́во, основа́ние
благоче́стия.

Ра́дуйся, честное́ Дре́во, вода́м освяще́ние.

Ра́дуйся, честное́ Дре́во, поля́м и сада́м
плодоно́сие.

Ра́дуйся, честное́ Дре́во, на нёмъ бо соверши́ся
та́инство всеми́рнаго искупле́ния.

Конда́к 12

Благода́ть Твою́ всеси́льную, Го́споди, явля́ет
на́м Дре́во Треблаже́нное, то́й бо осеня́ет умъ

наш, вразумляет и научает пѣти непрестанно пѣснь побѣдную: Аллилу́ия.

Икос 12

На гору́ Голго́фскую водруже́н бы́сть Крѣст Честный, и Ты́, Создатель ми́ра, вознесе́н бы́сть на нём́ яко в позор ми́рови, мы́ же, ве́рнии, лобыза́ем пречисты́я я́звы Твоя́, поклоня́емся Честно́му Кресту́ Твоему́, си́це взыва́я:

Ра́дуйся, Честный Крѣст Христо́в, предназна́ченный Бо́гом для та́инства искупле́ния.

Ра́дуйся, Честный Крѣст Христо́в, яко ты́ еси́ ра́достное зна́мение на́шего спасе́ния.

Ра́дуйся, Честный Крѣст Христо́в, зна́мение на́шего освобождѣ́ния.

Ра́дуйся, Честный Крѣст Христо́в, страсте́й на́ших умерщвлѣ́ние.

Ра́дуйся, Честный Крѣст Христо́в, со́вести на́шей успокоѣ́ние.

Ра́дуйся, честное́ Дре́во, на нём́ бо соверши́ся та́инство всеми́рнаго искупле́ния.

Кондак 13

О, Пречестное, Божественное и Животворящее Древо Креста Господня! Чудодейственной твоею силою огради мя, грешнаго, осеняющего с верою чело мое и перси моя и вся составы и уды моя святым твоим знаменем во имя Отца и Сына и Святаго Духа, во славу Святыя Троицы, во Единице прославляемой, и благодарственно воспевающего песнь победную: Аллилуия.

[Сей кондак глаголется трижды. Также икос 1-й: Ангельския силы... И кондак 1-й: Избранному Царем Славы...]

Молитва

Святому и Животворящему Кресту Господню

О, дивный чудодейственной силою четвероконечный и трисоставный Крест Христов! У подножия твоего во прах распростертый, поклоняюсь ти, честное Древо, отгоняющее от нас всякое демонское стреляние и освобождающее нас от всех бед, скорбей и напастей. Ты бо еси Древо жизни, ты еси очищение воздуха, освящение святаго храма, ограждение нашего жилища, охранение одра

моего, просвещение ума моего, сердца и всех моих чувств. Твое святое знамение ограждает мя со дня моего крещения, оно со мною и на мне, во вся дни живота моего, на суше и на водах, оно же сопровождать мя будет до могилы, осенит и прах мой, оно бо, святое знамение чудодейственного Креста Господня, возвестит всей вселенной о часе всеобщаго воскресения мертвых и последняго страшнаго и праведнаго Суда Божия.

О, Кресте Всечестный! Осенением твоим вразуми, научи и благослови мя, недостойнаго, всегда несомненно верующаго в непобедимую силу твою, огради мя от всякаго врага и супостата, исцели вся недуги моя душевныя и телесныя.

Господи, Иисусе Христе Сыне Божий! Силою Честнаго и Животворящаго Креста Твоего помилуй и спаси мя, грешнаго. Аминь.